



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Tractatio Synoptica De Ivdiciis Ad Lib: II. Decretal:
Gregorii IX.**

**Herberstein, Ferdinand von
Tabarelli de Fatis, Donato Vincenzo**

Spirens., 1660

32.

urn:nbn:de:hbz:466:1-11416

32. Verum nos existimamus cum Palao,
tom: 1. tr. 6. Disp: 13. punct. 13. num. 10. Quod
 si peccatum contra communitatem, vel
 tertium est occultum, & improbabile, &
 iudicatur sufficere denunciatio charitati-
 va, eam praemitti oportere, si vero sit oe-
 cultum & probabile, tunc ad vitandum
 damnum communitatis, vel tertii recte
 denunciandum esse Judici ut Judici, di-
 cendo quod delator id probare non po-
 test, sed ipse provideat ex officio, vel eti-
 am privatæ personæ, cui damnum para-
 tur, ut ipsa dicat Judici. Nec obstat, quod
 delictum probari non possit, quia non de-
 fertur in hoc casu Prælato, ut reus punia-
 tur, sed ut damnum avertatur: quod au-
 tem ipse delatus diffametur, per accidens
 sequitur. Addit Gaspar. Hurt. *tr. de jud: for.*
disp. 2. dist: 4. peccata occulta quæcunq; de-
 ferri posse judicialiter absq; prævia mo-
 nitione, etiamsi speretur emendatio &
 fructus: & disparitatem inter delationem
 esse, quæ fit Judici ut Patri, & eidem ut
 Judici, quia in prima solùm intenditur e-
 mendatio delati, in secunda vero etiam
 punitio in satisfactionem Reipub: ideoq;

ante

ante primam servari debet ordo Evange-
licus; & si proximus emendetur, sisten-
dum esse: ad secundam verò prætermisso
illo ordine, procedi posse absq; in justitia,
quia licentia hominis ad deferendum pec-
catum, non est solùm ad emendationem
rei, & impedimentum damnorum immi-
nentium, ut dictum est, sed etiam ad eius
punitionem: nec charitatem offendere
sic procedentem, quia infamia & punitio
criminosi compensaretur promotione
boni communis, ex delatione juridica
provenientis, nec enim ullum peccatum
commissionis esse posse contra charita-
tem, nisi fiat ex odio personæ. Ita Gaspard:
Hurt. loco cit. Vide etiam Card: de Lugo de-
luf: tom: 2. disp. 37. §. 7. num: 79. Atq; hæc
de modo procedendi denuntiatoris in
denunciatione tum fraterna, tum judi-
ciali: modò videndum qualiter Prælatus
procedere debeat.

33. Difficultas est in hoc, ut constet
quid Prælatus facere possit ex denuncia-
tione sibi ut Patri factâ de peccato subdi-
ti: Certum est, non posse Prælatum ex ta-
li denunciatione transire ad judiciale

pro-